

Ehuhuo-Ozi Polu Dejenni Ndị Galeshià

1 Mmę wu Polu de ekukwọ-ozini. M wu onyę-ozi pụ-ichẹn—elegbe hụn ihiyan zi mọbụ hụn ndị-okikị wụ ihiyan tumę—kanị hụn Jesu Kristi le Chuku-Nędi hụn gha imę ọnwụn weli Jesu Kristi tumę.

2 Mmę le umunę enyi imę Kraistị ndị mmę le wę rị ebeni gba de e. Enyi dejenni ụka rị ichen-ichen rịsonmę Azụn Galeshià ya.

3 Efoma le udon hụn gha eka Osolobue Nędi enyi le Di-nwọnni-enyi wụ Jesu Kristi bia ya rịnị ọnụ.

4 Nna enyi wụ Jizos' Kraistị we ndụn a ye makę ifiri njo enyi, keni o gbapuha enyi imę eje-agbonị rị ogenni, igi męzu uche Osolobue enyi wụ Nędi enyi.

5 Ogho ya rịnị Osolobue Nędi enyi jenrin ejen! Isẹe.

Ozioma Ozọ Aria

6 O tụ m enya ni ụnu a latomakęnrinkęzi onyę hụn gi ifiri efoma Kraistị kpọ ụnu, nabanhama “ozioma ozọ”.

7 Ele ni ozioma ozọ rị ari, kanị o nwonghọ ndị rị e ye ụnu nsongbu, e mę obi eruzile ụnu alị, a chọ ni we rukpo ozioma Kraistị.

8 Kanị, osuon'a ni enyi le enwèn enyi mọbụ mmọn-ozi ghadé enu-igwee bia e zimę ụnu “ozioma” ozọ hụn wuleni hụn enyi zi ụnu, onyę ahụn ya wuru onyę wę bu ọnụ—ya la ntikpọ jenrin ejen!

9 Ké ẹnyi dọn ku mbụ, m rịzi nwan e ku e: omeni onyé ọwule ri e zi ọnụ “ozioma” ọzọ wuleni hụn ọnụ nabanhangu mbụ, ya wuru onyé wé bu ọnụ: ya la ntikpo jenrin ejen!

Jesu Tume M, Ele Ihian

10 M rịde nwan a cho ni ihian kuni m ọhụnma ra Osolobue? Ra a chomagwo m nwan ni m m e n'o suọ ihian? Omieni echén kẹ m ríkwó a cho ni m m e n'o suọ ihian, ya wu ni ele m igbón Kraisti.

11 Umuné m, m cho ni unu marin ni ozioma m zi aghanị ẹka ihian bia;

12 amunnarimní m ihian ya; ele ihian kuzi m'e. Kama, Jesu Kristi le enwèn e we e ghosi m.

13 W'a ra rụ uka a, unu a nuguo kẹ m dọn bi mbụ, ogèn m gi ri e fe ofufe ndi-Ju le nke Iwu Mozizi: kẹ m dọn kpokpokemé uka Osolobue, cho ni m tikpo a.

14 Imẹ ofufe ẹnyi wu ndi Ju, mmẹ ka ndi isi-otu m bu ọda ofufe e fe ogèn ahun. M'e mèkènme oku omenalị ndi nedị ẹnyi wé.

15 Kani, ogèn o gi suọ Osolobue, hụn gi efoma a hoto m, kpo m—kẹ m rịde efọ nné m,

16 o no m e m marin Nwa a, keni m zi ndi anị ndi ọzọ wuleni ndi Ju ozi banyeni ya wu Nwa a. Ogèn o gi m e e, ejenni m d'e kunrun ihian n'o gwa m ihiẹn ọwule móbu buche ni m ihiẹn ọwule.

17 Ejendeni m Jerusalém d'e kunrun ndi bu m uzo wuru ndi-azi pụ-iché, kama, m no shi Arebia ozigbo. O megü, m no gha ebéhu kinhenzi Damas'kosi.

18 Ahua eto a ghafeguu, m no shi Jerusalém d'a hụn Kefasi wu Pita; m no sòn e nödi akp'ohin mmisen.

19 O nwɔnni onyę ozo m hụn imę ndị-ozi pụ-ichẹn hoduńị, wezuka Jemisi nwene Di-nwɔnni-ęnyi.

20 M rị a gwa ụnu, id'ęnya Osolobue, nị ihienni m rị e de ni ụnu wụ ezioku, ęle ntụ!

21 Omęgụ, m nọ jen Azụn Siria lę Silisia.

22 Ndị uka Kraistị hụn rịsonmę egbere Judia e ke marịn m ọmarịn-ęnya ogęn ahụn.

23 Wę nụ a hụ a nụ nị wę sị nị “Onyę ahụn te rị e kpokponi ęnyi mbụ rịzi nwan e zisommę ozi okukwe ahụn o te chọ n'o tikpo!”

24 Wę nọ gi ifiri m ja ęfan Osolobue mma.

Isi Nke Ebuo

Pita, Jemisi lę Jony Nabanhān Pölü Anabanhān

1 O mepụ ahụa mmęno, m nọ shizi Jerusalém. Mmę lę Banabasi wị ogęn ahụn, m nɔzị weri Taitosi.

2 M jen ebęhụ makęni o nwọn ihięn Osolobue ghosi m; m nọ kowa nị wę ozioma hụn m rị e zi ebe ndị wuleni ndị Ju rị. Kanị m me e ụsụo—egbata mmę lę ndị wę weri nị wę wụ ndi-isị suq—amamgbe o wuru nị m rị a gba qso ọlal'iwi mọbu nị hụn m gbaф a laguо iwi, o wuru nị ɔrun m la iwi.

3 Awadęni wę iкwa-ugun ye Taitosi mmę lę iya wị olu, օsụon'a nị ęle onyę Ju, nị onyę Griki rọ—

4 kanị oku iкwa a ugун e te puhaghọ makę ndị hụn gi nzuzue rubanhan, e me kę sị wę wụ ndị kwerini. Wę bia d'a hundele ụdi inwonorin-enwèn hụ ęnyi nwòn imę Kraistị, keni wę wezi ęnyi che imę igbọn.

5 Kanị, ẹnyi ekweyeni ni wę kaka akpụ-ohu, makèni ẹnyi chọkènme nị ẹnyi chedon ni ụnụ ezioku rị ozioma, kèni ụnụ marin a k'o rìchanrin.

6 Nke ndị hụn nọ kẹ sị wę wụ ndị-ndu—o nwọnni ihien ọhụn wę buche ni m. (Ihien ọwule wę wụ enwọn ihien o wụ ebe m rị, makèni Osolobue ara gbeyeni ihiän.)

7 Mba. Kama, o wede wę ẹnya nị Osolobue e yeguo m ɔrun igbashià ozioma ebe ndị kwaleni ugur rị, ya wụ ndị alị ndị ọzọ wüleni ndị Ju, k'o dòn ye Pita ɔrun igbashià n'a ebe ndị kwa ugur rị, ya wụ ndị Ju.

8 (Makèni onyę ohu hụ gi Pita a rụn ɔrun onyę-ozì pụ-ichèn imé igunrun ndị Ju, ndị kwa ugur, iya gizikwọ mmę nwèn a rụn ɔrun onyę-ozì pụ-ichèn imé igunrun ndị wüleni ndị Ju, ya wụ ndị kwaleni ugur.)

9 Ogèn Jemisi lę Pita lę Jònụ, ndị hụn wę weri nokè ndị-isi, gi hụn nị eka Osolobue rị imé m, wę nọ na mmę lę Banabasi eka, nabanhàn ẹnyi, nị ẹnyi lę wę wụ ohu. Wę nọ kweri n'o hughọ mma nị mmę lę Banabasi jenmè d'a rụnma imé ndị wüleni ndị Ju, ya wụ ndị kwaleni ugur, uwę lę enwèn wę a rụnma imé ndị Ju, ya wụ ndị kwa ugur.

10 Ihien ohu suọ kẹ wę sihụ ẹnyi mè: ẹnyi a nyanhankwọ ndị-igbennye, hụn a duzıkwoni m.

Polu A Jugbọ Pita Imẹ Antıokù

11 Kanị, ogèn Kefasi wụ Pita gi bia Antıokù, m jugbọ a elee-m, elee-i, makèni o mefie hụn wę hụn ẹnya ogèn ahun.

12 Makèni, kẹ ndị ahun Jemisi zihę keleni bia ebęhụ, Pita e sòn ndị wüleni ndị Ju e ri ihien-oriri.

Kanị, ogen ndịnị gi biagụ, Pita nō noye nkọ, o duzini ndị wuleni ndị Ju ri, makeni ọ rị a tụ egun ndị rị itu ndị hụn a kwadon ikwa-ugun.

¹³ Ndị Ju ndị ọzo rị ebęhụ nō sòn e mémé ihunnai ahụn, nke wụ nị e dufiede wę Banabasi lę enwèn e.

¹⁴ Ogèn m gi hụn a nị ihiẹn wę rị e mē lę ezioku rị ozioma a dangbamanị, m nō nō id'enyia wę ile sị Pita, “Onyę Ju kę i wụ, kanị i rị e bi kę ndị wuleni ndị Ju, y'a ra bi kę ndị Ju. Nanị kę i dọnzi nwan a chọ nị i wa obibi ndị Ju ye ndị wuleni ndị Ju olu?”

Okukwe Sụo

¹⁵ M nōzị sị Pita, “Nke ẹnyi lę enwèn ẹnyi, ndị Ju mu ẹnyi, ẹnyi ẹlę ndị hụn w'a kpo ‘ndị wuleni ndị Ju, ndị omę-njọ.’

¹⁶ Bu ẹnyi a maringho nị ẹlę idonmę Iwu kę Osolobue gi e kuni ihięn ọhụnma, kanị ikwerini Jesu Kristi, gi e e dọn ẹnya. Ifiri e, ẹnyi lę enwèn ẹnyi e kweriguo nị Jesu Kristi, keni Osolobue kuni ẹnyi ọhụnma, makeni ẹnyi kwerini Kraistị, gi Kraistị e dọn ẹnya, ẹlę makeni ẹnyi e dònme Iwu Mozizi. Makeni, Osolobue ekukonị onyę ọwule ọhụnma makeni onyę ahụn e dònme Iwu.

¹⁷ Kanị, o mē nwan nị, ebe ẹnyi nō rị a chọ nị Osolobue kuni ẹnyi ọhụnma makeni ẹnyi rị imę Kraistị, a hụn w'a nị ẹnyi lę enwèn ẹnyi wụ ndị njọ, ya wụ Kraistị a kwadon njọ? Kaka!

¹⁸ O mē nwan nị a tündonzimę m ihięn m tikpo, ya wụ m rị a ghosi nị m dan Iwu ogèn m gi tikpo a.

¹⁹ Egheę, makeni, e giguo m ihięn rị imę Iwu nwụnnahịn Iwu, keni m hụn uzọ rịni Osolobue ndụn.

20 A kpogbuguo wę mmę lę Kraistị enu obe Kraistị. Elezi mmę rị ndun, Kraistị ya rị ndun imę m. Ndunnị m rị nwan e bi imę ehụ, m rị e bi e ghahanị okukwe m nwę imę Nwa Osolobue, hụn nwę ihięn-osusuo m, we enwèn e ye makę ufiri m.

21 Emekọ m efoma Osolobue würü ihięn na iwi—makeni, omeni ezie rọ nị ihięn dònmete Iwu, Osolobue e gi e kun'ę ọhụnma, ya wụ nị ọnwụn Kraistị nwụn la iwi!”

Isi Nke Etọ

Iwura Okukwe?

1 Euu ndị Galeshia, ndị-nzuzu! Onye mę ọnụ ihięnni? Bụ id'anya ụnụ kę wę nō ghosichanrin nị wę kpogbu Kraistị elu obe.

2 Ihięn ohuni suqo kę m chọ nị m marin: gwadele ni m, nanị kę ụnụ dòn nwęhen Mmọn-nsọ? Ụnụ nwęhen e ghahanị idònmete Iwu ra ghahanị ikweri ozioma ụnụ nụ?

3 Erira kę ụnụ e zuzuhan? Eka Mmọn-nsọ kę ụnụ gha bidon; ọnụ rị nwan a lili ma nị ọnụ gi ik'en ụnụ—ik'en ihięn—męchanrin a?

4 Nị m judele ụnụ: afunfun nęi ile ụnụ ta wụ nke ọlal'iwi? Ra ọ laguodę iwi nke-esi?

5 Osolobue hụn e ye ụnụ Mmọn-nsọ a, a run ọrun atụ-anya imę igunrun ụnụ, o ye ụnụ ya makeni ụnụ rị e dònmete Iwu Mozizi ra makeni ụnụ hụ a nụ e kweri ihięn ụnụ nụ?

6 Nke Ebrahim, Ehuhuqo-nsọ sị nị “O kweyeni Osolobue, Osolobue nō gun a yen'e, kpọ a onye rị kę Osolobue chọ.”

7 Gi ni ọnwan marin nị ndị hụn wụ ezigbo ụmụ Ebrahim wụ ndị kwerini.

8 Ekukwɔ-nṣo e kutoguọ a nị Osolobue jenkọ d'e gi ifiri okukwe ndị wuleni ndị Ju kuni wę ọhunma; o sị nị Chuku zi Ebraham ozioma edei, sị, "Ndị anị ile jenkọ d'e nwéhen ngozi ghahanị i."

9 Ya wụ, ndị hụn kwerini k'e sòn Ebraham hụn kwerini wuru ndị wę gozi agozi.

10 Ndị hụ gi idonmè Iwu e don enya a wuruolè ndị wę bu ọnụ. Makeni, Ehuhuọ-nṣo sị, "Onye ọwule hụn ghaleni e donmè ihiẹn ile wę de imẹ ehuhuọ Iwu, e henringuọ onye wę bu ọnụ!"

11 O wegụụ nwan enya n'o nwọnni onye ọwule hụn Osolobue jenkọ d'e kuni ọhunma makeni o donmè Iwu. Onwan wụ ezioku, makeni, Ehuhuọ-nṣo sị nị, "Okukwe kẹ onye rị kẹ Chuku chọ k'e gi rị ndụn,"

12 bu ẹle okukwe kẹ Iwu gi a run, makeni, Iwu le enwèn e e kuguọ nị, "Onye hụ hụn rị e donmè ihiẹn ndị i ile Iwu ku k'e gi rị ndụn makeni o rị e donmè we."

13 Kraistị gbafuha enyi imẹ abumonu Iwu ghahanị igi ifiri enyi henrin onye wę bu ọnụ. Makeni, Ekukwɔ-nṣo sị nị, "Onye ọwule wę hogbu elu osisi a wuruolè onye wę bu ọnụ."

14 O gbapuha enyi keni ngozi Osolobue gozi Ebraham hụn uzọ biani ndị ali ndị ozọ ile hụn wuleni ndị Ju, ghahanị Kraistị wụ Jizosị, keni enyi hụn uzọ gi okukwe nwọnhen Mmọn-nṣo hụn Osolobue kwe nkwa a.

Iwu Lẹ Nkwa Osolobue

15 Umunẹ m, nị m gi ihiẹn w'e me ụhuhịn ile kowa ihiẹn: madụ ẹbụo kwerigbamahụ banyeni ihiẹn ọwule, biyegụụ a ẹka, o nwọnni onye ọwule k'a saeka kagbu e mọbụ we ihiẹn ọwule chen'ę.

16 Ogèn Osolobue gi kwe nkwa hụ, o kwe Ebraham lẹ nwa a ya wụ nkwa, Ehuhuọ-nṣo asinị “Umụ i” ya wụ, hụn kari onyę ohu; kanị o sị “nwa i” ya wụ ohu sụo—hụn wụ Kraistị.

17 Ihien m gi e e ku wụ nị Osolobue e biyeguo nkwerigbama hụ eka, tumẹ e; ya wụ nị Iwu wę webanhan ogèn o gi mepụ ọrogbo ahụa iri-kwasị-ogụn kwasi nnụ as'eka kagbu nkwerigbama hụn Osolobue biyegụ eka lẹ nkwa o kwe imẹ nkwerigbama ahụn.

18 Makeni, omení idonmẹ Iwu kẹ wę gi e nwọnhen ihien Osolobue kwe nkwa a, ya wụ nị elezi n'o kwe nkwa haịn wę gi e nwehen e. Kanị, ezioku-ezioku, Osolobue ye Ebrahim ya ofe igi mēzu nkwa a.

Kị Haịn Nwan Wę Gi Ye Iwu Hu?

19 Kị wuzị nwan mkpa Iwu hụ rị? Wę webanhan a nị ihiyan e gi e a marin njo lę mmefie, a marinzi njo wę lę mmefie wę, d'e ru ogèn nwa ahụn, onyę hụ wę kwe ya wụ nkwa e gi bịa. Wę gha eka ndị mmɔn-ozi tumẹ ya wụ Iwu, we e ye ụkọ ye wę.

20 Kanị w'a ra chọ ụkọ ebe onyę ohu sụo nọ e mè ihien. Osolobue gi eka a mè ihien e ogèn o gi kwe Ebrahim nkwa ahụn.

21 Arị m'e ku nị Iwu wụ eñenren nkwa Osolobue. Kaka akp'ohu! Makeni, omení wę te ye iwu hụn a saeka e ye ihiyan ndun, nké o wuru nị, ezioku-ezioku, onyę dònmete e, o wuru onyę rị ochan.

22 Kanị Ehuhuọ-nṣo e kuguo a nị ihiyan ile rị imẹ egbun njo, ku e hụn we enya, keni o wuru nị uzọ ohu sụo kẹ wę gi e nwehen ihien Osolobue kwe nkwa a. Uzọ ohu hụ wụ ikweri ni Jesu Kristi, gi Jesu Kristi e dòn enya: onyę kweri, o nwehen e.

23 Kę ẹnyi keleni kweri ni Kraiṣti, Osolobue bu ẹnyi dọnmę okpuru Iwu, kpokin ẹnyi ye, nökę ndị ngan, e che ogèn okukwe e gi bia.

24 Ya wụ, Osolobue tumę Iwu n'o wúrunị ẹnyi onyę bu mkpiñsin e lepụ ẹnyi enya, d'e ru ni Kraiṣti a bia, keni, o ru, o gi okweri ẹnyi jenkö d'e kweri ni Kraiṣti kuni ẹnyi ọhunma.

25 Kanị, hunnị ẹnyi kwerigụ nwan, ẹnyi arizi okpuru onyę-nlepụ-enya.

26 Unụ ile wụ ụmụ Osolobue ghahanị okweri unụ kwerini Kraiṣti wụ Jizosị,

27 makeni, ọnụ ile, hụn wę bugụụ che imę Jesu Kristi ghahanị imę ọnụ mirin-Chuku, e yirigụọ Kraiṣti.

28 Ya wụ ni o nwọnzi ihiẹn rị ichen egbata ndị Ju lę ndị wuleni ndị Ju; egbata igbon lę onyę nwọn enwẹn e; egbata ikennyę lę ikpoho: ẹnyi ile wụ ohu imę Kraiṣti wụ Jizosị.

29 O mę nwan ni ẹnyi wụ nke Kraiṣti, ya wụ ni ẹnyi wụ ụmụ Ebraham, ni ẹnyi k'e nwònhen ihiẹn Osolobue kwe nkwa n'o k'e ye.

Isi Nke Eno

Unụ E Nwéringuo Enwén Unụ!

1 Ihiẹn m rị e ku wụ ni, ebe nwa ahụn jenkö d'e nwònrin ihiẹn nedị e keleni ru ogo, o rịhụ kę igbon, ihiẹn ichen arị a, ọsuon'a ni ihiẹn ile wụ nke e.

2 O rịsonmę okpuru ndị e du n'ę lę ndị e lepụ a ẹnya d'e ru ogèn hụ nedị e kaye.

3 Eríra k'o rị ẹnyi kę ẹnyi keleni ru ogo, ya wụ kę ẹnyi keleni kweri, ẹnyi wúsònrmę igbon ihiẹn ndị hụn a kị obibi rị imę ụwani.

4 Kanị, mgbe ogēn gi zu, Osolobue nō zihē Nwa a; okpoho mū a; wē mū a ye okpuru Iwu.

5 Osolobue zihē e n'ō hūn uzō gbarị ndị rị okpuru Iwu, keni enyi hēnrin ụmụ Osolobue, ụmụ Osolobue ru ogo ụmụ.

6 Makēni ụnụ wu ụmụ, Osolobue nō zihē Mmọn nke Nwa a ye imē obi ụnụ; Mmọn ahun rị nwan imē enyi ile a hị, “Baba! Baba-Nędi m!”

7 Ya wu nwan nị y'elezi igbọn; nwa kẹ i wu. Ebe o mē ni nwa kẹ i wu, Osolobue k'e keye i ihiēn e.

E Kinle Ni Azuṇi Ime Egbun

8 Mgbe mbụ, ogēn ụnụ keleni marịn Osolobue, ụnụ wu igbọn mmọn ndị hụ furuleni w'e fe, ụnụ e fe wẹ e fe.

9 Kanị hunnị ụnụ marịngụ Osolobue—mba, hunnị Osolobue marịngụ ụnụ, kini kẹ ụnụ kinkozinị azuṇi d'e kunrun mmọn ndị ahun lẹ ihiēn ndị hụ ndịn gụ? Ụnụ chọ nị ụnụ hēnriṇzi igbọn wẹ?

10 Ụnụ e mēsonmē mmemmmē wẹ gi a nyan-hansonmē ụhuohin lẹ ifon lẹ ogēn lẹ ahua rị ichen-ichen!

11 Egun ụnụ rịkwọ a tụ m, nị ikenkwo ọrun ile m run ebe ọnụ rị a laguṇo iwi!

12 M rị a rịo ụnụ umunę m, rị nị kẹ mmę, makēni a riguṇo m kẹ ụnụ. Ụnụ emeni m njọ.

13 Ụnụ a marịngḥo nị emu rị a kuni m ogēn ahun wu ihiēn węhēni m oghere m gi zi ụnụ ozioma isi-ibuzo ahun.

14 Kanị, ọsuon'a nị ęhụ hūn rị e sòngbuni m wuru nị ụnụ ibu lẹ ihiēn-nlele, ụnụ elegberini m, ụnụ ajunị m; kama, ụnụ nabanhān m nöké sị m wu

mmɔn-ozi Osolobue, nöké sị m wụ Kraistị lẹ enwèn e.

¹⁵ Kị mẽzi iğhoghọ hụ ile ụnu nwę ogən hụ?! M k'a s'eka shia eri nị, omení o rị nfe, nkeké ụnu e te guye m akpuru-eña ụnu, omení o te k'e yeni m eka!

¹⁶ Kẹ m hęnrinni eñenren ọnụ makəni m gwa ụnu ezioku?

¹⁷ Ndị ahụn rị nwan a lịlìma nị wę dori ọnụ, kani eélé ihien rị mma kẹ wę bu obi! Ihien wę bu obi wụ nị wę wepu ọnụ ebe ụnu rị, keni ụnu buchanrịn obi ụnu che ebe wę rị.

¹⁸ O hughokwo mma ibu obi e che ihien ẹnína, e mékénmè oku e—omení ifiri ihien rị mma rọ, omení w'e mè e ogən ile—eélé mmé lẹ ụnu nodihu suò.

¹⁹ Umụ m hụn rị m obi, imé ụnu e mémézi m, oku ụnu a kpamazi m, d'e ru nị ụnu e sonmęchanrịn Kraistị.

²⁰ K'o te rị m, m rị nwan ebe ụnu rị kikenni, keni m hụn uzo gbehutọ olu, makəni obi eruzini m ali ebe ụnu rị!

Ihien Polụ Gi Sara Lẹ Haga Ghosi

²¹ Gwadèle ni m, ụnu ndị choko nị ụnu rị okpuru Iwu, ụnu anụnị ihien Iwu Mozizi ku?

²² Wę de e imé Iwu nị Ebrahim mụ ikénnye ębuo: Haga, nnę ohu wụ igbọn; Sara, nnę hụn-ębo nwę enwèn e, eélé igbọn.

²³ Wę mún'a hụn nnę e wụ igbọn kẹ ihiän dọn a mụ nwa; kani wę mún'a hụn nnę e nwę enwèn e ghahanị nkwa Osolobue kwe.

²⁴ Enyi k'a s'eka gi ihien ndịnị ghosi ihien: ikpoho ębuonị nökın eña nkwerigbama ębuo. Ohu wụ hụn wę nọ elu Ugu Sañai mémé. Ohun kẹ Haga nökın eña a; o mụ ụmu, a wúrụ wę igbọn.

25 Haga nòkin enya Ugu Sainai, hùn rì imé atù ali Arebià. O ghosi obodo Jerusalém hùn rì ogenni, makeni Jerusalém lè ndị rìn'a wù igbòn kikènni.

26 Kanị Jerusalém hù hùn rì enu- igwee nwọn enwèn e, elep igbòn. Iya wù nnè enyi.

27 Makeni Ehuhuọ-nso sị,
“Ghoghomà nwan!

Iyù wù agan,
hùn mütuleni nwa!
Kwankpoma ẹbu! Yimè oro!
Iyù, hùn marıntuleni ụfụ-nwa!
Makeni, umu okpoho hù wé juto,
a kariguo
nke okpoho hù ya lè di ẹ bi!”

28 Umuné m, unu wù umu Osolobue ghahani nkwa hù o kwe, nòkè kẹ Aziki dòn wù.

29 Kanị, o rì nwan k'ọ rì ogèn hù: ogèn ahun, nwa wé mu kẹ ihian dòn a mu nwa kpokpo hùn wé mu ghahani Mmón nke Osolobue.

30 Kanị, kini kẹ Ehuhuọ-nso ku? O sị, “Chụpụ igbòn hù lè nwa a; makeni nwa igbòn hù esonkọ nwa okpoho hùn nwòn enwèn e keri uku.”

31 Umuné m, ya wù ni enyi ele nwan umu igbon- okpoho hù, kama, umu okpoho hùn nwè enwèn e kẹ enyi wù.

Isi Nke Isen

Unu E Weriguokwo Enwèn Unu!

1 Kraistị gbafula enyi keni enyi wuru ndị nwè enwèn wé. Wuzokenmè ni nwan kẹ ndị weriguụ enwèn wé! Aníkwolé ni wé kpomazị unu egan igbòn!

2 Gon ni ntịn! Mmẹ wụ Polụ rị a gwa ọnụ nị ọnụ nị wę kwa ọnụ ugun, ya wụ nị o nwọnni erere Kraistị k'a ban nị ụnu.

3 M rị a gwazi okènnye ọwule hụn k'a nị wę kwa a ugun ya kwademekwo nwan n'o dònmechanrịn Iwu ile.

4 Onyę ọwule rị nwan e dònme Iwu, e gi e e ro ni Osolobue rị e kun'e ọhunma, a ghagukwọ imẹ Kraistị pụ; ọ ghagukwọ imẹ ẹfoma Osolobue danpụ.

5 Kanị, okukwe lẹ ikẹn Mmọn-nsọ kẹ ẹnyi nwẹn gi rị e chekènme ọhunma ahụn Osolobue jẹnkọ d'e kuni ẹnyi, hụn ẹnyi rị a tụ ẹnya a.

6 Makení, imẹ Kraistị wụ Jizosị, ikwá-ugun lẹ akwanị-ugun enwonni ihiẹn ọ wụ. Ihiẹn rị mkpa wụ okukwe hụn gi ihiẹn-osusụo a ghosi n'o hụ a.

7 Unụ te rị a gba-osọ ọhunma! Onyę bu uke che ni ụnu, ụnu gizileni e sòn ezioku?

8 Elekwọ Osolobue hụn kpọ ọnụ dunye ọnụ ụdi ọdụnyen!

9 O rịhụ kẹ wę dòn e ku e, “Ekeré yisti suọ kẹ w'e buchehụ, ọ ghagbarị flawa brędi hụ ile.”

10 Kanị, makení a maringhọ m ihiẹn Di-nwònñi-ẹnyi k'a saækà mè imẹ ndụn ọnụ, obi ru m alị nị ụnu eroko ihiẹn ichen, sonmè nkuzi ozọ. Onyę hụ rị e nuhunmèni ụnu—onyę ọwule ọ wụ—k'a narinriri afunfun rịn'a.

11 Umunę m, omení echēn kẹ m ríkwọ a kuzi nị ikwá-ugun rị mkpa, kị hainzị wę gi e kpokpo m? Omení ezioku rọ nị m rị a kuzi nị ikwá-ugun rị mkpa, ya wụ nị ozi m rị e zi banyeni obe Kraistị e ke gha e buhẹ oku.

12 K'o rị m, ndị hụ rị e ye ụnụ nsongbu e jẹn d'a waradé enwèn wé, eledé ikwa-ugun sụo!

Anịlę Enwèn IKị I

13 O mè nke ụnụ umunę m, Osolobue kpọ ụnụ d'e weri enwèn ụnụ. Kani, egikwolę ni nị ọnụ e weriguo enwèn ọnụ mémé k'o rị ọnụ, rikę ihiyan-mmaka; ka gi ni ihiyen-osusụo e fetari ibe ụnụ.

14 Makeni, wé wegbamachanrin Iwu ile che ime akpụ iwu ohu hụn wụ “Ihiyen ibe i k'a suoriri i kę ihiyen enwèn i dọn a sụo i.”

15 Kani, omení ụnụ hụ a tagbu ibe ọnụ e ri, kpachanfukwo nị nwan ẹnya, amamgbe ọnụ e gburụ ibe ọnụ!

Mmọn-nsọ Lẹ Ihiyan-mmaka

16 M sị ụnụ, a nị nị nwan Mmọn-nsọ a kị ụnụ, maké ụnụ gha e mè kę ihiyan-mmaka.

17 Makeni, ihiyen ihiyan-mmaka a cho ele ihiyen Mmọn-nsọ a cho; ihiyen Mmọn-nsọ a cho ele ihiyen ihiyan-mmaka a cho. Wé ebuo a luson ibe wé oğun, nke wụ nị, y'a saeka mè ihiyen i cho.

18 Kani, omení Mmọn-nsọ rị e du ụnụ, ya wụ nị ụnụ arizì okpuru iwu.

19 Ihiyen ihiyan-mmaka e mè puhachanrin ifon; wé wụ ihiyen ndịnị: ughere, ibi obibi rileni ọchan, ime ihiyen-ifenren,

20 iرعا-mmọn, ibu-nshi lẹ igi ikèn eje-mmọn a run, idu-eñenren, ikpe, ẹnya-ufu, eje-olulu, ịchọ nke-i nke-i, nkebe, ịzuo ẹka-nke,

21 iwe-ẹnya, ighbu-ochu, ịra-manyà tụ, eje-mmemmeg lẹ ihiyen ndị ozø no erira. M rị nwan a gba ụnụ mkpiñsin-eka kę m dọn gba ụnụ ya mbu,

nị ndị hụn e mè ihiẹn ndị nọ ेrịra a bankọ Ali-eze Osolobue.

²² Kanị, ihiẹn Mmọn-nsọ a mipuha wụ: ihiẹn-osusụo, ighogho, udon, ndidi, efoma, imẹ-mma, iwu onyę wę gi e dọn ẹnya,

²³ imẹ-jụ, ikwondon-enwén-ihiān. Onyę mè ihiẹn ndịnị adannị iwu ọwule.

²⁴ Ndị hụn wụ nke Kraistị wụ Jizosị a kpogbuguo ihiān-mmaka wę te wụ lę ihiẹn a gunn'a lę ihiẹn a suon'a enu obe Kraistị.

²⁵ Ebe o mè ni Mmọn-nsọ e ye ẹnyi ndun, nị ẹnyi e bi ni nwan kę ndị Mmọn-nsọ rị a ki.

²⁶ Ele hụn ẹnyi e gi a pache mọbu a kpasu ibe ẹnyi iwe mọbu e we ni ibe ẹnyi iwe-ẹnya.

Isi Nke Isin

E Bu Ni Ibu Ibe Ụnụ

¹ Umunę m, onyę mè njọ, ụnụ ndị rị e bi kę Mmọn-nsọ chọ, gi ni nwayo wekinhen e. Ka kpachanpukwo nị ẹnya amamgbe ọnwụnwani a biazikwó nị ụnụ nwẹn.

² E bu ni ibu ibe ọnụ. Ụnụ gha e mè e, ya wụ nị ọnụ hụ e męzu iwu Kraistị.

³ Onyę rị e ro n'o nwongho ihiẹn o wụ bụ o nwọnni ihiẹn o wụ rị e dufie enwén e.

⁴ Onyę-onyę ya lele ihiẹn o rị e mè. Omęni o hughọ mma, ya honron makę ihiẹn rị mma o mè, ka y'e gile enwén e tunị onyę ozo,

⁵ makęni onyę-onyę furu n'o buru ibu e.

⁶ Ndị wę rị a kuzi oku-Chuku furu ni wę keye ndị rị a kuzi ni wę oku-Chuku ihiẹn-oma ọwule wę nwọn.

7 Edufiekwole ni enwèn ọnụ: Osolobue anikokwo onyę ọwule mègbu ẹ; ihièn onyę kùn k'o k'a ghori.

8 Omèni ugbo wé kùnye ẹ wú imè-ihièn a sùo ní wé, wé k'a gha ugbo hú ghori ntikpó; omèni ugbo imè-ihièn a sùo Mmón-nso kẹ wé kùnye ẹ, wé k'a gha ebèhụ ghori ndùn-itèbite.

9 Ya wú, ndùn imè ihièn rí mma y'a gùkwole enyi. Makèni, omèni enyi aninì ndùn guù enyi, ogèn ru, enyi jènkò d'e ri erere ẹ.

10 Ya wú, ní enyi gi ni nwan oghere ile enyi nwé e mè ní onyę ọwule ọhunma, tùmadù ndí hún rí ikpun-ulò okukwe.

Mkpinsin-eka Ikpazuyun Lẹ Ekele

11 LEE NI AKPURU-ékukwo NDÌNÌ NÒ JAGBO-JAGBO M GI ẹka M DENI ọnụ.

12 Ndí hún rí a chọ ní wé gi ihièn enya e legha dù ẹka obi, uwé rí nwan a chọ ní wé wa ịkwa-ugun ye ụnụ olu. Wé rí e mè ẹ amamgbe wé e gi ifiri obe Kraistì kpokpo wé.

13 Kẹ ndí hún kwa ugun lè enwèn wé arìde e dònmet Iwu, bù wé hú a chọ ní ụnụ kwa ugun keni wé gi ihièn rí ụnụ ẹhụ nyan isi: ní ụnụ e dònmeguo omènalì hún w'e legha enya.

14 O bugharị m! Egiko m ihièn ọwule nyan isi, wezuka obe Nna enyi wú Jesu Kristi. E giguo wé obe hú kpogbu uwani—o wúrù ihièn nwùnní ebe m rí, gizikwo obe hú kpogbu m—a wúrù m ihièn nwùnní ebe ụwa rí.

15 Kẹ ịkwa-ugun kẹ akwani-ugun arinì mkpa, kaka! Ihièn rí mkpa wú ní wé kedonzi ihièn.

16 Udòn lè omiken ya rìnì kẹ wé han gi usonronní e bi—uwé wú ndí Izrèlù Osolobue nke-esi!

17 Gha ogənni e jen, onyę օwule egizile oku ikwagun ye m nsongbu, makəni apa əhụ wę rụsonmę m makę ufiri Jesu hụsonmę m əhụ.

18 Umunę m, əfoma Onyę-nwɔnni-enyi wụ Jesu Kristi ya noyeni ụnụ imę-mmọn. Isẹe.

**Elu Ohun: Ekukwɔ-Nso (Azuun Ohun rɪn'a)
Revision of New Testament in Ika**

copyright © 2010 Wycliffe

Language: Ika

Translation by: Wycliffe

Ika (ikk) Nigeria

In Nigeria the word Ika is not only the name of the Ika people, but is also used to designate a local government area in the Akwa Ibom State. The Ika people are a sub group of the Igbo people. It is interesting to note that Ika is the name of a town in Croatia is one of the eight Annang local government areas of the local government areas in Akwa Ibom State. An alternative name for the Ika people is Ika-Annang. There appears to be another dialect of Ika that is spoken in Delta State of Nigeria.

Copyright Information

© 2010, Wycliffe. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9789789037056

Revision

The New Testament

in Ika

© 2010, Wycliffe. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-08-09

PDF generated using Haiola and XeLaTeX on 18 Apr 2025 from source files
dated 29 Jan 2022

31b0248e-272a-5dee-8226-bcc00c54d9b1